



ЗАМАН



Газета издается на балкарском языке с 1924 года

Интернет-версия: zaman.smikbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

ВРЕМЯ

Видеоконференция



Оюла тургъан юйледе жашагъанланы алаган кёчюрю, ЖКХ-ны жумушлары ючюн хакъны тюзлюк бла тохташдырыу - баш магъаналы борчду

КЪМР-ни Башчысыны къуллугъун болжаллы халда толтургъан Юрий Коков Россей Федерацияны Правительствоосуна Председателини орунбасары бардыргъан битеуроссей селектор кенгешге къатышханды. Ол видеоконференция халда бардырылганды. Анда «Гражданланы оюла тургъан юйледен кёчюрюню эмда коммунальнй жумушла ючюн хакъны ёсюп баргъанына чек салыну регион адрес программасын жашауда бардырыну юсюнден» вопросха къаралганды.

-Оюла тургъан юйлени кетериу магъаналы социальный-политика борчду, - деп чертгенди Д.Н. Козак. - Аны 2017 жылда 1-чи сентябрьде тамалап бошаргъа керекди. 2014 жылда 15-чи июльда регионда «жол карталаны» эмда гражданланы тозурагъан журтладан кёчюрюню графиклерин къабыл кёрюрге тийишлиди. Субъектлеге бу ишге энчи иелени къошууну амалларын сайларгъа эркинлик берилгенди.

Дмитрий Козак ахча болушлукъ этиуну жорукълары тохташдырылгъанларын эмда тюр-

ленмезликлерин чертип айтханды.

Кенгешде коммунальнй жумушлагъа тарифлени тап халгъа келтире туруп, аланы качестволарына жамауат контролну РФ-ни субъектлерини власть органларыны болушлукълары бла къурагъанда, иги сагъыш этерге, оюмларгъа керек болгъаны белгиленгенди.

Селектор кенгеш бошалгъанлай окъуна, Юрий Коков жыйылыу бардыргъанды. Анга КЪМР-ни вице-премьери Уяналаны Кязим, къурулушу эм ЖКХ-ны министри Анзор Тутуков, КЪМР-ни Энергетика эм тарифле жаны бла къырал комитетини председатели Кючменланы Тахир къатышханды. Алагъа гражданланы оюла тургъан юйледен кёчюрюню эмда тариф политиканы тюзлюк бла бардырыу жаны бла мадарланы КЪМР-ни Правительствоосу къабыл кёрген планын тынгылы тамалларгъа буюрулганды.

2014 жылда 8-чи июльда Къабарты-Малкъарны социальный сферасын бла экономикасын айннытуу эмда Россей Федерацияны Президентини май айда чыгъаргъан Указларын толтуруу жаны бла иш къалай баргъанын дайым да билип туруу жаны бла Советни жыйылыу бардырыллыккъды, деп тохташдырылганды.

КЪМР-ни Башчысыны къуллугъун болжаллы халда толтургъанн эмда Правительствоосуна пресс-службасы.

ПАРЛАМЕНТ

Сабий садла бла жалчытыу - энчи контрольда

КЪМР-ни Парламентини президиумуну жаз башы сессиясыны ахыргы жыйылыунда «правительстволу сагъатда» депутатла РФ-ни Президенти Владимир Путинни 2012 жылда май айда чыгъарылгъан Указлары жашауда къалай бардырылгъанларын сюзгендиле.

Бек алгъа «Билим бериуде эм илмуда къырал политиканы жашауда бардырыуну мадарлары юсюнден» Указ къалай толтурулгъаны тинтилгенди. Документге тийишлиликде юч

жылдан жети жылгъа дери сабийле барысы да школгъа дери билим беруу учрежденияла бла жалчытылыныргъа керекдиле. КЪМР-ни билим беруу, илму

эм жаш тёлюню ишлери жаны бла министрини орунбасары Александр Кириини айтханына кёре, бюгонлюкде республикада школгъа дери билим берген 228 учреждение барды. Алагъа 43917 сабий жюрюйдю, ол санда юч жылдан жети жылгъа дери – 39191 бала.

Белгиленген планнга кёре уа, 2018 жылгъа дери садлагъа очередь кетерилрге керекди.

(Ахыры 2-чи бетдеди).

Къабарты-Малкъар Республиканы Парламентини депутатлары Къабарты-Малкъар Республиканы Башчысын айырыу жаны бла къол кётюрюле бардырыллыкъ кюнню юсюнден Къабарты-Малкъар Республиканы Парламентини БЕГИМИ

Къабарты-Малкъар Республиканы Конституциясыны 79-чу статьясыны 1-чи кесегине, «Къабарты-Малкъар Республиканы Парламентини депутатлары Къабарты-Малкъар Республиканы Башчысын айырыуну жорукъларыны юсюнден» Къабарты-Малкъар Республиканы 2014 жылда 23-чу апрельде чыгъарылгъан 19-РЗ номерли Законун тийишлиликде Къабарты-Малкъар Республиканы Парламентини **бегими** этеди:

Къабарты-Малкъар Республиканы Парламентини депутатлары Къабарты-Малкъар Республиканы Башчысын айырыу жаны бла къол кётюрюлене 2014 жылда 9-чу октябрьде бардырыгъа.

Къабарты-Малкъар Республиканы Парламентини Председатели

ЧЕЧЕНЛАНЫ А.

Нальчик шахар, 2014 жылда 26-чы июньда, №2004-П-П

Жазылыу - 2014

Сюйген газетибизни ёмюрю узакъ болсун!

«Заман» газетибиз кесини атына алай толу келишеди. Ол заман бла атлай, борчун бет жарыкълы толтурады. Мен акъыл этгенден, къалгъан газетлени къайсы биринден да башды. Биз аны алайлыгъын ангыларгъа, аны багъаларгъа тийишлибиз. Ол озгъан жылланы, бюгоннж эм келир жашауну да кёрюгюзталады.

Аны ёмюрю узакъ болурун бек сюеме. Алай болур ючюн, анга жазылыргъа керекбиз, хар таулу юйюрге ол кюн сайын сыйлы къонакъ болуп кирир бек тийишли кереме. Газетни баш редактору Атталаны Жамалгъа эм аны биргесине ишленлеге саулуу, эсенлик тежейме, журналист ишлеринде мындан арысында да бизни ыразы этерлерин сакълайма.

Кесими юсюнден да бир-эки сёз атайым. Мен Дуголаны Ахматны жашы Хажи-Муратма. 1927 жылда Огъары Малкъарны Ышканти элинде туугъанма. Артда Огъары Жемталада жашап

тургъанбыз. Кёчгюнчюлюк-де Къыргызстанда Фрунзе областьда кечингенбиз. Жашлай кёп тюрлю ишледе урунганма, механизатор да болганма.

Аллахха шукур, миллетибиз бла туугъан жерибизге къайтып, сау-эсен жашайбыз. Халкъыбизны айны баргъанына къууанама. Алай жаш адамларыбыз орусча сёлешип, ана тилибизни унута баргъанына жюрегим бек къыйналады. Ким биледи, хар юйюр ана тилде чыкъгъан газетибизге жазылса, уллу, гитче да аны багъаласала, ол къоркъууубуз да къалыр эди, дейме.

Аны бла байламлы къоншуларыма, тийремде жашагъанлагъа «Заманнга» жазылайкъ деп, тилегими айтама. Кесим а аны хар номерин суйюп окъуйма. Журналисттерибизге ол къыйындары ючюн ыразылыгъымы билдиреме.

ДУГОЛАНЫ Хажи-Мурат.
Хасания эл.

Бир-эки күн къалгъанды

Хурметли окъучула!

Жазылыу кампания бошалыргъа бир-эки күн къалгъанды. Сиз алыкъа миллет газетибизге жазылмай тура эсегиз, бир амал табыгъыз да, почтагъа атлангызыз.

Жылыны экинчи жарымында да сизни бла сау-эсен тубеширбиз деп ышанабыз.

Редколлегия.

Бизни индексибиз - 51532

КОНКУРС

Унутулмазлык юч күн

Къара тенгизни жагасында студентлени «Радуга» саулык кючлеу комплексинде юч кюнню ичинде «Кызыл жулдуз» деген чыгармачылык жаны бла битеурросей фестивал-конкурс ётгенди. Аны эсеплерине кёре, Къабарты-Малкъар къырал университет-биринчи, Ингушетяны къырал университети –экинчи эм Шимал Кавказын тау-металлургия институту ючюнчю жерлени алгандыла.

Конкурсха Шимал-Кавказ федеральный округну, Ростов областы эм Москваны белгили вузларыны студентлери къатышхандыла. Ала сынауларын бир бирге бергендиле, къошакъ халда билим алгандыла эм жангы шухла тапхандыла.

Фестивальны баш мураты Россей Федерацияны кёп тюрлю миллет культураларын сакълау эм андан да ары айнытуу

эди. Артыкъда бег а регионланы араларында маданият байламлыкъланы кючлерге, бир бирге ушагъан миллет тёрелени сакъларгъа, студентлени эм саулайда жаш тёлню арасында фахмулунаны ачыкълау гъа эс бурулгъанды.

Жыйылынуу биринчи кюннюде хар университетни командасы биришёр концерт программа кёрюзтгендиле.



Анда шёндюкюлю музыкадан тебиреп, алггъан заманда айтылуучу жырла гъа дери эшитирге боллукъ эди.

Андан сора эки кюнде фестивал гъа келгенде кеси регионларыны юсонден «Мени гитче ата журтум» деген видеопрезентацияны кёрюзтгендиле. Дагъыда ала «Дунияны башында болган татыулу ашарыкъла, «Бизни тёрелерибиз», «Жырны адам жюрегинден айтыр гъа керекди» деген эм башха конкурслада сынашхандыла.

Жюри аланы 10 балл система

бла терегенди. Фестивальны ахыр эсеплери да ол кюн окуна белгили болгъандыла. Къабарты-Малкъар къырал университетни ректору Барасби Карамурзов бу байрам гъа къатышханланы барысын да алгъышлагъанды эм анда кимле хорлагъанларын айтханды. Къарачай-Черкес къырал университет - «Дунияны халкъларыны ашарыкълары», Пятигорскну къырал лингвистика университетни - «Мени гитче ата журтум» эм Донну къырал техника университетни «Дуня-

ны халкъларыны тепсеулерни» деген номинациялада онгу болгъандыла.

Къурау комитетни оноууна кёре, «Жырны жюректен айтыу» деген номинацияны «Эстрада» эм «Академиялы» вокалла гъа юлешген эдиле. Алада Южный федеральный эм Дагъыстанны къырал университетлери алчылыкъланы бир кишиге да бермегендиле, деп билдиргендиле Къабарты-Малкъар къырал университетни студент советини пресс-службасындан.

Бизни корр.

БЕГИМ

Оксфордда эм Кембридже къыралны ахчасына окъур гъа онг барды

«Известия» билдиргенине кёре, премьер-министр Дмитрий Медведев билим берууно алчы учреждениларында окъурукъ гражданыларна социальный болушлукъ этиуно юсонден россейли правительствону бегимине къол салгъанды. Аны бла байламлы программаны аты «Глобальное образование». Ол тыш къыралны университетде окъур гъа кирирге эм окъур гъа суйгенлеге алай этерге онг бередиле. Къыралны ырысхысына окъур ючюн, былай болумла иленедиле.

Биринчиден, баш магъаналы излем бакалавр билим болур гъа керекди. Алай бла, кичи курслада студентле ол программаны хайырланалмайдыла. **Экинчиден,** студент кесини окъууна къоратылган къырал ахчаны арта, россейли компанияда 3 жыл ишлеп, къайтар гъа борчлуду. Студент келишимини излемлерин бузса, анга къоратылган ахчаны юч ёлчеме тенгли бир тазир тёлерге керекди.

Программа 2014-2016-чы жыллада тамамланыллыкълды. Ол заманы ичинде къырал ахча гъа 1,5 минг адам окъур гъа тийишлиди, ала гъа битеу да 4,4 миллиард сом къоратыллыкълды.

Программаны Стратегия башламчылыкъланы агентствосу къурагъанды. Анда айтханларына кёре, программа 2012-чи жылда окъуна къабыл этилирге керек эди. Анга тыйгъы а «Юрократиялы футбол» болгъанды.

Дагъыда бир сылтау бую: президент айтханыча, окъугъанланы Россейге къайтарынуу механизмлери эм инструментлери шарт кёрюзюлмегендиле. Ол кемчиликни кетериуно «Билим берууно юсонден» жангы закон жалчытханды: анда целевой окъууно юсонден англылатууда айтылгъаныча, келишимге бузукълукъ этген студент къоратылган ахчаны юч ёлчеме казна гъа, тазир берип, къайтар гъа борчлуду.

Программа гъа къатышхан адамла магистрле, аспирантла, бакалаврла неда жаш алимле – тинтиучюле болур гъа боллукълдула. Кичи курсланы студентлерин ол программа гъа къатышдырмауно юсонден оноу, иш этип, чыкългъанды: ол студентле белгиленген излемлени толтурмай къояр гъа боллукълдула. Инсанча къуралып бошагъан претендент а окъугъа усталыгын кётюрорча кёлленип барады, –дегенди «Молодые профессионалы» деген жолуу тутхан ассоциацияны таматасы Дмитрий Песков.

Дагъыда былай чертгендиле ассоциацияда – бир адамны окъутур ючюн бериллик ахчаны эм кёп ёлчеме 1,5 миллион сомду. Айтылган ахча гъа окъурукъ студентле барлыкълк университетлени тизмелерин да къабыл этгенди правительство.

– Къайсы жаш адам да тизмедеги университетледен къайсысын да сайлар гъа эркинди. Бийик окъуу юйлеге биз сайлагъан усталыкъла гъа юйренир-

ге 50 адам кирсе, биз ала гъа ахчаны квота бла тохташдырылган ёлчеме берликбиз, –дейди Песков.

Проектни баш куратору – Билим беруу эм илму министерство – ишге башчылыкълк этер ючюн, программаны энчи федеральный операторун къуарыкъды, АСИ (Агентство стратегических инициатив) тыш къыраллада окъугъан специалистлени Россейде ишлеулерин жалчытуу бла къореширкиди.

– Адамны тыш къыралда окъур гъа жиберлик бир тюрлю конкурс комиссия боллукъл тойдю. Окъур гъа бары гъа суйгенле энчи къураылган веб-сайтта электрон очередьде суюледиле, кеслерине ахча бериллигин бла берилмелелигин анга къарап биледиле, –дейди ахырында Песков.

Правительство сайлагъан къыралланы араларында была бардыла: Австралия (9 вуз), Австрия (2 вуз), Бельгия (5 вуз), Бразилия (2 вуз), Великобритания (29 вуз), Германия (19 вуз), Дания (3 вуз), Израиль (3 вуз), Италия (4 вуз), Канада (14 вуз), Ирландия (1 вуз), Испания (2 вуз), Кытай (9 вуз), Нидерланды (10 вуз), Новая Зеландия (2 вуз), Норвегия (3 вуз), Сингапур (2 вуз), АБШ (68 вуз), Финляндия (1 вуз), Франция (3 вуз), Швейцария (7 вуз), Швеция (3 вуз), Юг Корея (4 вуз), ЮАР (1 вуз), Япония (8 вуз). Сайланган усталыкъланы асламысы техника, медицина, компьютер, химия, энергетика бла байламлыдыла.

Правительствону ахыргы тизмесине дуняны эм иги окъуу заведениялары киргендиле. Анда Массачусет технология университет, Гарвард университет, Кембридж университет, Лондонда университет колледж, Лондонда королевский колледж – Лондон университет, Оксфорд университет, Йель университет эм дагъыда бир неча он вуз бардыла. Алада бир жылы ичинде академия окъууно багъасы €-17 мингден €-30 мингге дериди. Бу багъа усталыкъла гъа кёре тохташдырылады. Анга жашау журт эм жумушла ючюн тёлённген ахча да киреди.

Россейге Украинада болум бла байламлы этилген санкцияла, АСИ-ни генеральный директору Андрей Никитин айтханна кёре, программаны тамамланылууна чырмау боллукъл тойдю.

– Билим берууде тыш къыраллы сынау гъа юйренирге керекди. Программаны къыймалы къалай боллугу бир неча эки жылдан сора кёрюнюрюк тойдю, кёбюрек заман озар гъа керекди. Россейге къажуа санкцияланы чыгарган къыралланы юслеринден айтханда уа, АСИ политика институт тойдю, –дегенди «Известия гъа» Никитин.

Статья жарашдырыла тургъан заманда Билим беруу эм илму министерствону башчысыны программаны тамамланууу бла байламлы оюмун биз билалмагъанбыз.

Плеханов атлы РЭУ-ну ректору Виктор Гришин къырал программаны жаратады, ол Россейде кадрланы хазырлауу игилендирликди дейди.

– Ол хайырлы практикады, кеси да дуняны башха къыралларында жюрютоледиле. Къыралдан тышында окуп, тынгылы билим алыр гъа онг берилирге керекди. Алай бла хазырланылган устала педагогика, башчылыкълк этиу, экономика бёлюмледе да къыймалы ишлеркидиле, –дейди Гришин.

Бийик экономика школу Илму-излем институтуну директору Ирина Абанкина айтханыча, дуняда билим берууно терклендирууно башда айтылган халкъла аралы амалыны стандартларын айнын тургъан къыралла барысы да хайырлангандыла.

– Къытай кесини студентлерини 30 процентте жууугъун Европаны неда Бирлешген штатланы университетлеринде окъутханды, аны кадрларны шёндюкю тёлюсю дуняны бирси алчы университетлеринде да окъугъандыла. Индия да кесини жаш кадрларына АБШ-да эм Англияда окъур гъа болушханды. Бизни къыралда да вузла гъа эм бийик билим алыу гъа иги кесек ырысхы къоратылады, алай биз усталаны хазырлауу ала мат брендлерин да хайырлануу гъа керекбиз, –деп, чертгенди Абанкина.

«Известия» газет.

Эски сурат



Аты иги бла айтылып турганды

Таулу тиширүү не заманда да кыйда, кыаллай ише урунда да, атын иги бла айтдырганды, юлгюлю болганды. Суратда ортадагы да аллай махтаулу адамларыбыздан бириди. Ол Шакъманланы Аминатды. Ишлеген жеринде көп саугала да алганды. Бир жол а кыралыбызны ара шахары Москвада ВДНХ-да да болганды.

Көчгюнчюлюкю заманында Къазахстанда Меркеде жашаганды. Анда кыауум малкыарлы ююр бар эди. Тауулары араларында Социалист Урунуу Жигити деген сыйлы атха биринчи тийишли болган Келеметланы Шохайп да анда жашай эди.

Аминат фермага киреди. Танг жарыгынынчы ише барады. Малларын сауды, тюрлерин тазалайды, ашларын салады, суу ичиреди. Ашхам жулдуз чыккыгандан сора юю-

юне тебирейди. Алай эте, айла, жылла озадыла.

Иш келлюлюкю, ариу кылыгы бла ол кесин негерлерине сыйдюргенди, аты ишчилени санында айтылады. Москвада бардырылган халкь мюлкю жетишимлерини битеусоюз кёрмючюне Меркеден урунуу алчыларын жибергенлеринде, Шакъманланы кызылары да аланы санында болады. Ол сауган ийнекледен да бирин элтгендиле.

Бу сурат да ол заманда ара шахарыбызда алыннганды. Аминатны эки жанындагыла биргесине барган кыазахлы кызыладыла.

Урунуу алчысы Шакъманланы Аминат сюрюнгенд кыайтхандан сора Вольный Ауулда жашаганды. Консерва заводда ишлеп турганды. 1992 жылда дуниядан кетгенди.

ОСМАНЛАНЫ Хыйса.

КЁРМЮЧ

Культура деген ангылауу кенглиги

КъМР-ни Миллет музейи Маданиятны жылыны чеклеринде бир талай меропрятяланы бардырып турады. Аланы санында «Мысли о культуре» деген ат бла кыураалган кёрмючю да сагыныргыа тийишлиди. Аны жарашдырганла асламында китаплага бла журналдан алыннган статьялага бургъандыла эслерин.

Ол бек алгыа «культура» деген сёзню магъанасын, аны кыйдан чыккыганын ачыккылаган материалдан, китапладан башланнганын белгилерге керекбиз. Бу ангылауу бир кыйматы юйреннгенден эсе кыйда кенг болганын да чертирге тийишлиди. Адамланы, халкылары араларында байламлыкыла, тин, дин байлыкь, бурундан келген кыол усталаны ишлери, аш – азыкь, жашауу хар тюрлю жанын алып кыарасагы, аланы бары да культурага келишгенлерине тюрюнебиз.

Кертиди, бу сёз бла асламында адам улуну жетишимлерини, искусстволаны, литератураны юсюнден айтханда хайырланабыз. Тарыхха кыарасагы а, ёмюрлеге юлешинген кёзиулени – буруннгуну, жангырынуу, бароккону, башчаланы да – тинте, ала «культура» деген ангылаууга киредиле.

Алайгытын биз кёрмючюде да керекбиз. Экинчи, ючюнчю бёлюмлеринде «Создано человеком», «Языки культуры»,



«Кто есть кто» деген китапла эм башхала сюеледиле. Россейни айтхылыкь композиторлары, музыкантлары, жырчылары, жазычулары, алимлери да тапхандыла мында жерлерин. С. Прокофьев, М. Шолохов, А. Сахаров, Е. Образцова, Г. Уланова,

Р. Нуриев эм башхала битеу да кыралны атын кенг белгиле этгендиле.

Энди келлик тёлюле да кеслеринден сора быллай бай культура кыюргыа итинирге керек болурла.

Бизни корр.

Футбол



Сынау тубешиу иги бошалганды

Бу кюнледе, Нальчикни «Спартакы», Профессионал футбол лиганы 2014-2015 жылда бардырыллыкь чемпионатына хазырлана, кеси майданында Пятигорскну «Машугу» бла сынау тубешиуно бардырганды.

Бизни футболчуларыбыз биринчи оюнларында окына уллу хорлам болдургъандыла. Биджиланы Хасанби башчылыкь этген команда бу матчыны 6:0 эсеп бла кыйтханды.

Футбол клубну пресс-службасы бидиргенине кёре, шёндю ко-

манданы тренер штабы жаш футболчулары сынау бла селекция ишни бардыра турады. Эсигизге салайыкь, «Спартак-Нальчик» энди экинчи дивизиону Юг зонасында ойнарыккыды.

Бизни корр.

ТЕАТР

«Невеста из Имеретии» деген оюннга чакырабыз

М. Горький атлы кырал орус драма театр кесини кезиулю сезонун халханын бидиреди. Аны бла байламлы ол кырауучуну 4-чю июльда 19 сагыатда Б. Рацер бла В. Константиновну «Невеста из Имеретии» деген комедияларына кёре салынган оюннга чакырады. Аны режиссёру Солтан Теуваевди. Спектакльге театры белгиле артистлери кыатышадыла.

Кыауумла болуп келирге сыйгенледен энчи заякала да алынадыла.

Соруулары болганла уа бу телефонла бла сёлөшсинле:
77-05-65; 8-928-914-99-96
Хош келигиз!

ЭРКИН ТУТУШУУ

Жерлешлерибизде - эки доммакь бла бир алтын майдал

Бу кюнледе эркин тутушуудан РФ-ни чемпионаты бардырылганды. Андан КъМР-ден спортчула майдалла бла кыайтхандыла.

Биринчи саугыаны Азрет Шогенов келтиргенди. Ол, Чеченден

Адлан Ибрагимовну 7:1 эсеп бла кытып, «доммакыны» алганды. Ючюнчю жерге дагыда Анзор Уришев чыккыганды.

Мурadin Кущов а, сермешлерин хорлам бла бошай, арта

финалда уа дагыстанлы Магомед Шахрудинову да кытып, Россейни чемпион болганды.

Светлана ГАУНОВА.
КъМР-ни Спорт министрствосуну пресс-службасы.

Баш редактор АТТАЛАНЫ Жамал

РЕДКОЛЛЕГИЯ:

БЕППАЙЛАНЫ МУТАЛИП
(баш редактору орунбасары)

КЪОНАКЪЛАНЫ ХАСАН
(баш редактору орунбасары)

ТОКЪЛУЛАНЫ Борис
(жууаплы секретарь)

ТЕКУЛАНЫ Хауа (жамауат-политика бёлюмюно таматасы)

ТЕЛЕФОНЛА:

Редактору приёмный - 42-63-01. Баш редактору орунбасарлары - 42-38-21, 40-04-82. Жууаплы секретарь - 42-66-85. Секретариат - 40-93-62. Корректорла - 42-63-52.

Газет Басманы эм асламы информацияны эркинликлерин кыоруулау жаны бла Кыбарты-Малкыар регион инспекцияда 1994 жылда 14-чю июнда регистрация этилгенди.

Регистрация номер —Н—0066. Индекс - 51532

Газетни басмагы КъМР-ни Басма эмда асламы коммуникацияла жаны бла кырал комитетини компьютер службаы хазыр этгенди.

Газет «Тетраграф» ООО-ну типографиясында басмаланнганды. Нальчик шахар, Ленин атлы проспект, 33

Номерге графике кёре

19.00 сагыатда кыол салынады.

20.00 сагыатда кыол салыннганды

ГАЗЕТНИ НОМЕРИН

ЧЫГЪАРГЪАНЛА:

Байсыланы Марзият - дежурный редактор;
Кетгенчиланы Зульфия - жууаплы секретарыны орунбасары;
Зезаланы Лида (1,2,3,5-чи бетле), Бийчекчулары Жаннета (4,6,7,8-чи бетле) - корректорла.

Тиражы 2640 экз. Заказ № 1272

РЕДАКЦИЯНЫ ЭМ ИЗДАТЕЛЬНИ АДРЕСИ:



360000, Нальчик шахар,
Ленин атлы проспект, 5
электронный почтасы:
elbor_50@mail.ru